



Synfocity = 974

mail us at : mzsynfo@gmail.com; mizoramsynod@gmail.com - Phone - 2314648

February 27, 2025

❑ Synod Executive Committee (SEC) vawi 312-na an ðu

February 25-27, 2025 chung hian Synod Executive Committee vawi 312-na chu J.M. Lloyd Hall, Synod Office-ah an ðu a, member 141 an kal.

Meeting hi Moderator, Rev. R.C. Lalnghakliana'n a kaihrui a, Upa Vanlalsawma Siakeng, Synod Secretary-in report a pe a, Rev. Dr. K. Lallawmzuala, Finance Officer-in report a pe bawk. Secretary report-ah hian Synod inkhawmpui vawi 101-na tluang taka hman a nih thu te, Pastor Bial thar hawn a nih thu te, Pastor leh Pro. Pastor Induction neih a nih thu te, Pro. Pastor Orientation neih a nih thu te, CCM Working Committee member ruat a nih thu te, BD zir tur lak thar a nih thu te leh RC leh RL pek chhuah dan te tarlan a ni.

Tun ðum SEC ðut khawmah hian thurel tura chhawp chhuah 52 a awm a. Chung zingah chuan Cancer Hospital bula Synod Khualbuk siam rawtna te, Sunday School kaikim chawimawina siam belh rawtna te, Synod Service Rules enðat rawtna te, PCI Centenary Jubilee 2026 lawmna tur chungchang te, Kohhran Hmeichhe Inkhawmpui Lian Chairman leh General Secretary chungchang te, MSSU zirlai bu English-a lehlin dilna chungchang te leh Unity Gastro & Liver Hospital, Tripura recognized dil belh chungchangte a tel a ni.

❑ KTP Rorel inkhawm

February 28 - March 2, 2025 chung hian KTP Rorel Inkhawm vawi 11-na chu Chawnpui Kohhran Biak Inah neih a ni dawn.

February 28 (Zirtawpni) zana Palai lawm leh report inkhawm a awm ang a, Report pathum - General Secretary report, Finance report leh Bial report khaikhawmna ngaihthlak a ni ang a, hemi zan hian KTP Kumpuan hawn leh hlanna neih a ni bawk ang. March 1 (Inrinni) nilengin Rorel inkhawm neih a ni ang a, March 2 (Pathianni) chawhma, chawhnu leh zana te vantlang Pathian biak inkhawm a awm ang.

March 2023-February 2024 chung report-a a lan danin, Central KTP hnuaiah KTP Branch 904 awmin member zawng zawng 1,71,404 (mipa 1,04,736 leh hmeichhia 66,668) an awm a ni. Rorel Inkhawm hi CKTP Youtube channel-ah Live-a pek chhuah a ni ang. (*Programme kimchang phek dangah dah a ni.*)

❑ MSSU

March 1, 2025 (Inrinni) hian Sunday School zirtirtu training neihpui turin trainer-te hetiang hian an chhuak ang:

Buhchangphai Bial - Upa K. Zoremsanga leh Upa Lalchualova

Maubawk Sikul Veng Kohhran - Pu Lalhmunzauva Tlau, Upa Hrilthansanga leh Upa H. Lalnghinglova

❑ KTP

♦ February 20, 2025 (Ningani) khan Vaikhawtlang Branch KTP Golden Jubilee hmanpuiin Pu F. Lalremruata, Finance Secretary leh Tv. Vanlalremliana, committee member-te an kal.

♦ February 23, 2025 (Pathianni) zan khan Bethlehem Branch KTP Diamond Jubilee hmanpuiin Central KTP hruaitute an kal a, Pu Rossi Lallawmawma, committee member-in chibai bukna sawiin Jubilee lawmpuina Memento a hlan a, Rev. H. Lalawmpuia, Leader-in thu a sawi a, Mizoram Synod Choir an zai bawk.

❑ Presbyterian English School (PES)

February 23, 2025 (Pathianni) khan Lengpui Kohhran leh Model Kohhranah PES Awareness Campaign neiin Upa P.C. Vanlalhruaia, Supervisor of Schools; Pu K. Lallianzuala, Principal, Synod Higher Secondary School leh BEC Member-te, Rev. Malsawmdawngliana leh Upa Dr. Lalrinmawia te an kal.

❑ **Finance**

February 21, 2025 (Zirtawpni) khan Tanhril Vengthar Kohhranah Accounts Training neihpuiin thawktute - Upa Lalrosanga Kawlni leh Pu Lalhruaizela Ralte te an kal.

❑ **Mizoram Christian College (MCC)**

◆ Mizoram leh Arunachal Pradesh State Day lawmna chu February 20, 2025 khan Durbar Hall, Raj Bhavan-ah hman a ni a, Mizoram Governor, General VK Singh hova neih a ni. He huna thusawi tura sawm a nih angin Upa Dr. Tawnenga, Principal, Mizoram Christian College chuan thu a sawi a; Mizo mipuiten dan kan zawm that a tul thu te, ruihtheih thil dova tan kan lak a tul thu te, zirna lama India rama thleng sang tura tan kan lak a ngaihzia te a sawi.

He hunah hian Mizoram University leh RIPANS atangin Mizo leh Arunachal zirlaite'n hnam lam an entir a; Durbar Hall-a hun hman zawh a nih veleh Upa Dr. Tawnenga, Principal hovin MCC zirtirtute leh RIPANS zirtirtute chuan Governor te nupa nena inkawm hona an nei zui a, Governor hian a lehkhahu ziah pathum chu MCC a pe nghe nghe. State Day hmannaah hian Mizoram Christian College atangin Principal bakah zirtirtu pali leh zirlai 16 an tel.

◆ Aizawl Municipal Corporation (AMC)-in an buatsaih Aizawl Day Inter College Quiz Competition-a tel tura sawm an nih angin Mizoram Christian College chu an tel ve a. He Quiz Competition-ah hian MCC chu pahnihna an ni.

Elimination Round hi February 14, 2025-ah neih niin; College 12 intihsiak zingah MCC chu Final round lut turin Top 3-ah an tling a, MCC bakah hian Top 3-a tlingte chu - Govt. Mizoram Law College leh Govt. T. Romana College te an ni.

February 21, 2025 zanah Final Round intihsiakna hi IGNITE Studio, Khatla-ah neih a ni a. Final Round-ah hian Govt. Mizoram Law College leh Mizoram Christian College (MCC) te chu an points a inan avangin a chak zawk zawna turin tie-break round neih a ni a. MCC chuan a pumpuiah pahnihna dinhmun an hauh ta a ni.

MCC aiawha Quiz Competition-a telte chu - Rohmingliana Renthlei, 4th Semester, Department of Political Science leh Henry Malsawmpuia, 4th Semester, Department of Commerce zirlaite an ni.

◆ New Education Policy (NEP) hnuaiyah Bachelor Degree zirlaiten Research an khawih tawh dawn a. Hemi denchhen hian February 25, 2025 (Thawhlehi) khan Mizoram Christian College chuan zirlaite pualin WORKSHOP on RESEARCH METHODOLOGY chu HYVE HALL-ah an buatsaih. He hunah hian Prof. Ayangbam Shyamkishor, Head of Department, Department of Political Science, MZU chu keynote speaker niin, Dr. Josph Lalfakzuala, Assistant Professor, Govt. T. Romana College leh Dr. T. Lianhmingsanga, Post Doctoral Fellow, ICSSR te chu Resource Person an ni.

❑ **Synod Mission Board**

◆ **Jharkhand Mission Field**

February 23, 2025 (Pathianni) khan belhtu thar 17 an awm.

◆ **Nepal Mission Field**

February 23, 2025 (Pathianni) khan belhtu thar pakhat a awm.

◆ **Tripura Mission Field**

February 23, 2025 (Pathianni) khan belhtu thar 22 an awm.

◆ **Delhi Mission Field**

February 23, 2025 (Pathianni) khan belhtu thar pathum an awm.

◆ **Assam Mission Field**

February 23, 2025 (Pathianni) belhtu thar pathum an awm.

◆ **Home Mission North**

February 23, 2025 (Pathianni) khan belhtu thar pali an awm.

◆ **Masihi Sangati**

February 23, 2025 (Pathianni) khan Zarkawt Masihi Sangati ten High Field-a hnathawkte an awmna hmunah One Day Crusade an neihpui a, hemi hunah hian belhtu thar 11 an awm.

◆ **Cambodia**

February 23, 2025 (Pathianni) khan belhtu thar pathum an awm.

□ **Biak In hawng**

- ◆ February 15, 2025 (Inrinni) khan Kathikund Pastor Bial chhunga Kadma Kohhran Biak In thar chu Rev. Vanlalhlamuana, Field Secretary-in a hawng. Biak In thar hawn inkhawm hi Bialtu Pastor, Rev. P.C. Lalhriatpuia'n kaihruiin Pathian hnenah Biak In thar hi a hlan a. Tv. Vanlalthakima, Evangelist, Kadma kohhran-in Biak In sak dan report a pe a ni. Biak In hi a dung feet 36 leh avang feet 20 a zau a ni a. Biak In sak nan hian Pu C. Lalawia te chhungkua, Laipuitlang Aizawl te chuan sum an thawh a ni. Kadma kohhran hi November 8, 2015-ah hawn niin, tun dinhmunah member 50 vel an awm m êk a ni.
- ◆ February 17, 2025 (Thawhtanni) khan Jaruwadih Pastor Bial chhunga Maheshpur Kohhran Biak In thar chu Upa H. Lalhmingliana, Laipuitlang Kohhran chuan a hawng. Bialtu Pastor Rev. Lalruatfela Kiangte-in Biak In thar hi Pathian hnenah a hlan a ni. Maheshpur Kohhran Biak hi a dung feet 42 leh avang feet 22 a zau niin Upa Zoramawia te chhungkua, Laipuitlang Kohhran ten Biak In sak nan hian sum an thawh a. Maheshpur Kohhran hi March 8, 2001 ah hawn niin tun dinhmunah kohhran member 164 an awm mek a ni.
- ◆ February 18, 2025 (Thawhlejni) khan Jaruwadih Pastor Bial chhunga Lakra Kohhran Biak In thar chu Upa Lalduhzuala Sailo, Laipuitlang Kohhran chuan a hawng a. Bialtu Pastor Rev. Lalruatfela Kiangte-in Biak In thar hi Pathian hnenah a hlan a. Lakra Kohhran Biak In hi a dung feet 40 leh avang feet 22 a zau niin Pu Dunglea te chhungkua, Laipuitlang ten Biak In sak nan hian sum an thawh a. Lakra Kohhran hi June 6, 2010 ah hawn niin tun dinhmunah kohhran member 76 an awm mek a ni.

□ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Hnahthial	Vanduaina	3	₹ 24,000/-
2.	Changzawl	In kang	1	₹ 20,000/-
			Belh khawm	₹ 44,000/-

□ **FM Zoawi - Aizawl & Lunglei : Hruaina Eng Radio Programme**

February 28, 2025 (Zirtawpni) @ 7:30 p.m. :

Solo : Solo: H. Lalmuankimi - I seng khawm ang, **Zaipawl :** Lunglei Presbyterian Choir - Thilmak chhaisenloh, **Thusawi :** Lalrinzuali leh a thiante - Pathian nena len dun, **Solo :** Esther Lalthianghlimi - Inhlanna, **Rawngbawlina Reports**

□ **Hruaina Eng TV Programme**

27.2.2025 (Ningani)	8:30 pm	: Thupui zir bing
28.2.2025 (Zirtawpni)	5:00 pm	: Kristian Naupang Pual
01.3.2025 (Inrinni)	5:30 pm	: Puitling Sunday School Zirlai
02.3.2025 (Pathianni)	8:00 am	: Weekly round up
	5:30 pm	: Su Samachar Prasaran
03.3.2025 (Thawhtanni)	8:30 pm	: Hruaina Eng luang chhuak - Rev. Dr. C. Lalhlira
04.3.2025 (Thawhlejni)	6:00 pm	: Nilai zan thupui
	8:30 pm	: Kohhran Chanchin - Hlimen Kohhran

□ **Moderator leh Executive Secretary-te Programme:**

Rev. R.C. Lalngakliana : Moderator

Feb. 28 - March 2, 2025 KTP Rorel Inkhawm
 March. 3, 2025 Kristian Hla bu Ennawn Joint Meeting, Lunglei
 March 7-9, 2025 Kohhran Hmeichhe Inkhawmpui Lian, Thenzawl

Rev. V.L. Luaia Hranleh : Senior Executive Secretary

March 5, 2025 Service Board Sub-Committee
 March 6, 2025 TEB
 March 7-10, 2025 KJP Synod Sepngi

Rev. Dr. K. Lallawmzuala : Executive Secretary

Feb. 28, 2025 Hmangaihna In Committee
 March 7-9, 2025 Kohhran Hmeichhe Inkhawmpui Lian, Thenzawl

Rev. Dr. Rosiamliana Tochwang : Executive Secretary

Feb. 28 - March 2, 2025

KTP Rorel Inkhawm

March 3, 2025

Kristian Hla bu Ennawn Joint Meeting, Lunglei

March 5-9, 2025

BCM Assembly, Lunglei (Synod aiawh palai)

KTP ROREL INKHAWM PROGRAMME

A hmun : Chawnpui Kohhran Biak In

A hun : February 28 - March 2, 2025

February 28, 2025 (Zirtawpni zan)

6:30 p.m. - 7:00 p.m. : Zaiho

7:00 p.m. : PALAI LAWM LEH REPORT INKHAWM

Hruaitu : T. Upa Rinsailova Sailo, Treasurer

KTP Kumpulan hawn leh hlanna

Hlantu : Upa Vanlalsawma Siakeng, Synod Secy.

Reports: (1) General Secretary Report

(2) Finance Secretary Report

(3) Bial Report khaikhawmna

Zaipawl : (1) Mizoram Synod Choir

(2) Sakawrtuichhun Bial

(3) Maubawk Bial

(4) Chhinga Veng Bial

March 1, 2025 (Inrinni)

9:30 a.m. - 4:00 p.m. : ROREL INKHAWM

Hruaitu : Rev. H. Lalawmpuia, Leader

March 1, 2025 (Inrinni zan)

6:30 p.m. - 7:00 p.m. : Zaiho

7:00 p.m. : PATHIAN BIAK INKHAWM

Hruaitu : Upa C. Malsawmtluanga, C/M

Thuhriltu : Rev. Dr. Rosiamliana Tochwang

Executive Secretary, i/c KTP

Zaipawl : (1) Mizoram Synod Choir

(2) Lungdai Bial

(3) Airfield Vengthar Bial

(4) Bawngkawn Bial

8:45 p.m. : FELLOWSHIP

Hruaitu : Pu David Lalruatfela, C/M

Thusawi tawi : Pu T.C. Lalhruaitluanga, C/M

Special Items : (1) Male Voice - Bethlehem Venglai

(2) Short play - Durtlang Bial

(3) Faklam - Zemabawk North

(4) Instrumental - Vaivakawn Bial

March 2, 2025 (Pathianni chawhma)

9:30 a.m. - 10:00 a.m. : Zaiho

10:00 a.m. : PATHIAN BIAK INKHAWM

Hruaitu : Pu F. Lalremruata, Finance Secretary

Thuhriltu : Rev. R.C. Lalnghakliana, Synod Moderator

Zaipawl : (1) Mizoram Synod Choir

(2) Tlungvel Bial

(3) Nisapui Bial

(4) ITI Bial

March 2, 2025 (Pathianni chawhnu)

1:00 p.m. - 1:30 p.m. : Zaiho

1:30 p.m. : PATHIAN BIAK INKHAWM

Hruaitu : Pu Lalrambuatsaiha, C/M

Thuhriltu : Pu Lalruatfela, Assistant Leader

Zaipawl : (1) Presbyterian Choir

(2) Sumsuih Bial

(3) Thingsulthliah Bial

(4) Republic Veng Bial

March 2, 2025 (Pathianni zan)

6:30 p.m. - 7:00 p.m. : Zaiho

7:00 p.m. : PATHIAN BIAK INKHAWM

Hruaitu : Pu C. Lalkhawngaiha, Asst. Secretary

Thuhriltu : Rev. H. Lalawmpuia, Leader

Zaipawl : (1) Mizoram Synod Choir

(2) Presbyterian Choir

(3) Rawpuichhip Bial

(4) Chawnpui Kohhran

8:45 p.m. : FELLOWSHIP

Hruaitu : Tv. David Lalfakawma, C/M

Thusawi tawi : Tv. Lalrinsanga Varte, C/M

Special Items : (1) Female Voice - Muallungthu Bial

(2) Musical Drama - Leitan Bial

(3) Trio - Praise on 2024 Top 3

(4) Band - Bawngkawn Bethel Bial

Kumpulan pual reels insiamsiak lawmman sem.

SYNOD REVIVAL HRIATTIRNA

March 4-8, 2025 chung hian Synod Revival Camping Center, Neihbawiah a duh apiang tan Camping buatsaih a ni dawn a. Speaker tur chu H. Lalhmingliana, Amen Revival Team a ni ang. Camping Fee mi pakhat tan ₹ 100/- a ni a, mutbu bakah Bible, Hla bu, Pen, Note bu ken tur a ni. Ruih theih thil ken luh phal a ni lo a. Mobile Phone pawh ken luh phal a ni lo. Thawhlehniah lutin Inrinniah chhuah leh tur a ni ang. Camp neihna hmun Neihbawiah chhun dar 12 - tlai dar 4 inkarah Registration tih fel vek tur a ni a, rokhawlhna lian tak nei an nih loh chuan tlai dar 4 hnu lamah in Register theih a ni lo ang. Ei leh in chu Synod-in a tum vek dawn a ni.

